



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 2. Papa Venetiis.

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

Alexander Papa, priusquam Anagnia discederet, Humbaldo Episcopo Ostiensi, & Rainerio Cardinali Diacono S. Georgii ad Imperatorem missis, petiit, ut fidem sibi per Legatos datam, consentientibus Longobardis, confirmaret. Cumque duo Cardinales Imperatorem prope Mutinam habuissent, ille Legatis presentibus filium Marchionis Montiferrati praesidium Papae promissum, edito suo nomine iurejurando, confirmare iussit, ac ne ulla fraudis suspicio superesse posset, idem iuramentum ab omnibus, quotquot aderant, Germanorum Principibus proferri voluit. Tum utrinque placuit, ad Colloquium Papae & Imperatoris Bononiam esse deligendam. Papa vero Guilielmum Regem Siciliae per nuncios rogavit, ut Optimatum suorum praecipuos mitteret, pacis negotium tractantibus adfuturos; quare Rex Romualdo Archiepiscopo Salernitano, & Rogerio Comiti Hadriensi, militiae praefecto, ac in Apulia Terraque Laboris supremo Praetori, hanc Legationem commisit.

Saecul. XII.
A. C. 1176.

Act. Item
Romuald.
Salern.

§. II.

Papa Venetiis.

Pontifex igitur sexta Decembris, relicta Anagnia, Beneventum profectus, ibidem a Natali Domini usque ad Epiphaniam moratus est. Inde postquam

A 3

ad

Sæcul. XII. ad Vastum * portum in mari Hadriatico
 A.C. 1177. cum triremibus Regis Siciliae ventum
 * Port du navigationi opportunum integro mense
 Guast. expectasset, tandem Feria IV. cinerum,
 nona Martii anno millesimo centesimo
 septuagesimo septimo, Missa celebrata
 & cineribus distributis eum quinque Car-
 dinalibus & Legatis Regis Siciliae mari
 se commisit. Undecim erant triremes,
 quas Rex Siciliae instructissimas Pontifici
 navigaturo miserat. Dominica sequen-
 te Jaderam in Dalmatia appelluntur, eo
 majore incolarum lætitia, quod nunquam
 Romanorum Pontificum aliquis eorum
 civitatem intrasset. Ergo Alexandro
 album caballum admovent, eumque per
 mediam civitatem ad Ecclesiam, S. Ana-
 stasiae Virgini & Martyri, cujus corpus
 ibi quiescebat, sacram, laudes Divinas
 lingua patria, nempe Sclavonica, decan-
 tantes, deducunt. Inde, quatrinduo e-
 lapso, Papa, mare repetens, vigesima
 tertia Martii Venetias devehctus, ad Mo-
 nasterium S. Nicolai, in faucibus Rivialti
 situm, divertit, ubi altera luce a Duce
 Venetorum, Patriarcha Aquilejensi, o-
 mnibus ejus Suffraganeis & innumera-
 bili populo in cymbis advecto, excipitur.
 Cuncti Summi Pontificis pedibus advol-
 vuntur, & ritu solemnī procedentes ad
 Ecclesiam S. Marci perveniunt, ubi post-
 quam Alexander multitudini Benedi-
 ctionem

tionem fuisset impertitus, in hospitium suum, nempe Patriarchale Palatium, Du-
 ce comitante, pervenit. In Festo An-
 nunciationis a Duce & Optimatibus ro-
 gatus Summus Pontifex Missæ solemniam
 cum Cardinalibus in Ecclesia S. Marci
 celebravit.

Sæcul. XII.

A.C. 1177.

Inter hæc Fridericus Imperator Cæ-
 senæ agebat, &, comperto, quod Papa
 Venetiis versaretur, Archiepiscopo
 Magdeburgensi, Episcopo Electo W or-
 matiensi, suoque Protonotario ad eum
 missis, rogavit, ut aliam urbem conven-
 tui futuro designaret, quod Christianus,
 suus Cancellarius, se tuto Bononiæ non
 posse commorari crederet, postquam fer-
 vente bello illius loci cives male mul-
 tasset. Respondit Papa: *Imperator*
Legatis nostris & Longobardis consen-
tientibus locum ad colloquendum Bono-
niam constituit, ideoque Longobardis &
Cardinalibus, qui in illa regione expe-
ctant, insciis, istud mutare non possumus.
 Nempe Cardinalium pars, priusquam
 Papa cum ceteris triremes conscende-
 ret, itinere terrestri Longobardiam pe-
 tierat. Subjunxit Papa: *Nihilominus,*
quia pacem accelerare unice cupimus, sine
mora Ferrariam cum Cardinalibus Fra-
tribus nostris veniemus, & cum Reçtori-
bus Longobardorum hac de re delibera-
vimus. Tumque Dominicam Passionis,
 A 4 diem

Sæcul. XII.
A. C. 1177.

diem decimam Aprilis, in qua Conventus ageretur, præstituit. Ut vero Venetorum desiderio undique ad se visendum confluentium obsequeretur, in Ecclesia S. Marci, Dominica quarta Quadragesimæ Sacris operatus est, recitato Evangelio e Cathedra dixit ad populum, & completa Missa Rosam auream Venetiarum Duci obtulit.

§. III.

Papa Ferrariæ.

Papa Venetiis egressus eadem septimana, & in Padum amnem cum undecim triremibus, adversis fluctibus, in vectus, in Dominica Passionis Ferrariam Ditionis suæ urbem intravit. Altera die præsto fuere Patriarcha Aquilejensis, Archiepiscopi Ravennatensis & Mediolanensis, cum Episcopis Suffraganeis suis, Rectores Urbium Longobardiæ, Marchiones & Comites; qui cum die tertia in majore Ecclesia, S. Georgio dedicata, cum ingenti populi multitudine congregati essent, Papa orationem exorsus est in hunc modum: *Scitis, carissimi filii, quam gravem persecutionem Ecclesia sustinuerit, motam ab Imperatore, cujus fuisset eam defendere. Scitis, exinde Romanæ Ecclesiæ auctoritatem fuisse labefactatam, cum peccata impunita abierint, & quæ Canones præcipiunt,*